

十通第十種 第二冊

清朝續文獻通考

劉錦藻撰

皇朝續文獻通考卷九十六

學校考三 太學

臣謹案建首善自 京師始 世祖定鼎之初即仿古太學之遺意設立
國子監俾八旗子弟與直省貢監生得從容肄業其中而以祭酒司業等
董率之當是時鹹鹹者文彬彬者士甚至荒裔殊族亦嚮風慕義率其子
弟來讀我太學書者嗚呼豈不盛與其後司教者漸失初指廩粟坐擁皋
比荒落監生一經捐納亦得濫廁其閒人遂以太學為叢垢矣自設學堂
後概為學堂一門不復混入

乾隆五十一年奏准 臨雍典禮陪祀聖賢後裔凡生員監生奉祀生向例均
作恩貢無所區別此次後裔內復有武生俊秀為向來所無准作監生至俊秀
原無頂戴既係聖賢後裔在陪祀之列亦請 恩准作為監生

五十三年 諭見任官丁憂尚須回籍守制其報捐俊秀既係服制未滿何迫
不及待而必差人報捐該部併入應准條內未為允協嗣後丁憂人等不准報
捐服滿後仍令本人親身赴部具呈始可准行

又嗣後錄科考到俱令管理國子監大臣及滿漢祭酒司業在署校閱一次不
取不得再考

五十四年覆准在監肄業貢監生令助教等官臨期識認其不在監肄業者雖
起有本籍文結仍取具同鄉京官印結令出結官識認其在部候選及各館膳
錄由各衙門咨送者亦令取具同鄉官印結臨場識認

五十五年 御製集石鼓所有文成十章製鼓重刻有序鼓凡十在大成門外
左右分列

文曰凡舉大事者必有其會與其時而總賴昭明 天既以成其功武成九次
無論矣即如四庫全書及以國書譯漢藏經皆始於予六旬之後既而悔之以
為舉事已晚恐難觀其成越十餘載四庫全書則早參考裝潢畢以貯之閣而
所譯漢藏茲亦將告畢就此非 天恩垂佑俾予雖老而善成此二事乎近因
閱石鼓文惜其歲久漫漶所存不及半夫以國學與實述古之為使千萬年之

後並此僅存者胥歸無何有之鄉有治世之責者視之而弗救予且不成為讀
書之人矣斯事體大千古讀書人所不能任亦從無道及者予故不作文及
此未至耄耋智昏爰藏此事蓋石鼓之為宣王時作與夫宜置國學為萬世讀
書者之津逮自以韓昌黎之見為正車攻吉日之章班班可考也夫有其見而
無其力且未思及存其詩則予較昌黎為勝矣茲用幸翰苑之例親定首章截
其長以補後數章之短即用文中字並成末章自第二至第九命彭元瑞按餘
字各補成章非因難以見巧實述古以傳今於是石鼓之文仍在十鼓井井有
條而不紊矣舊鼓舊文為千古重器不可輕動但置木柵蔽其風雨以永萬世
而新為十鼓以刻十章並列國學以公天下惠後儒則仍周宣之文也熱河
文廟為歲歲惠遠詰武之地亦命置之以詔來世庶乎宣王中興之烈不泯
宣聖膺世之道恆昭而予及耄耋之年尚得藏此崇文之舉孰非會之萃時之
合深蒙 吳貺之所致哉希周家卜世之久嚮皇清重道之規後世子孫尚慎
念之是為序

重排石鼓文音訓

遊我辭向功作 車既王猶文攻字說文古文作王此遊馬既同遊車既好遊馬既
駢從馬同 君子員益也員字說文音云邁說文從走馬聲鄭樵作其旂即遊見
駢聲卓同 君子員益也員字說文音云邁說文從走馬聲鄭樵作其旂即遊見
旗之流下同 應鹿邁雅其疾也 爾 君子之求

右 一八九句凡二十

臣謹案遊字古文吾字見夏竦古文四聲韻薛尚功潘迪釋為我不知庚
鼓已有我字遊我二字未可混同好本作致說文引商書曰無有作致從
女丑聲今尙書作好好之古音讀如狃又讀如朽是為同聲通用字致與
駢本古合韻之證故潘氏謂駢與詩四牡孔阜之阜音義同若郭忠恕讀
駢為駢鄭樵音實皆非鼓文原本云君子鼎邁鼎旂錢大昕曰當讀君子
鼎邁鼎邁鼎旂羅振玉曰古寫諸經如采葑采葑苦若苦若等文尙作采
葑采葑是唐人尙如此書也吳大澂說文古籀補云邁古文獵獵借為
云潘迪云員作鼎說文員音云益也兩部實古文作黨知鼎為古員字速

樹栗其人與千戶侯等是也氏至也今用抵字前漢項籍傳抵櫟陽史司馬欣注相歸抵也亦通作邱爾雅釋器邱謂之抵郭註根抵皆物之邱邱即底故劉氏以氏作底重排本作抵皆通鄭作莫並非作莫重排本似誤鑄潘迪已鼓原本作鑄注云薛氏作華按說文鑄艸木華也况於切古韻在十虞鑄榮也戶瓜切古韻在九麻此字當從潘氏作鑄重排本作率徧攷諸家並無此字羅氏振玉曰尹氏彭壽云翰從飛猶翼字亦作鑿適說文气行兒通作攸行水也段氏曰气行之適水行之攸皆主和緩宮非丙鼓本義按爾雅釋山大山宮小山郭璞注宮謂圍繞之禮記曰君爲廬宮之是也鄭注宮謂圍障之也以寺而乍即論語山梁雌雉時哉時哉三嗅而作之意

其邊孔度獸直潘作靈說文處麋豕豬小潘云或作驪或音豚蜀潘云恐是驪字雅牛其應鹿雉兔越鄭云直離反潘云子亦從潘其吳與古老反大白澤獸也子體廣韻集韻並許其虎左驂馬執諸家皆之大黃弓射之建切說文走意

右八八句凡三十字重文二十

臣謹案適丙鼓已鼓原文兩見今重排本作適引潘作適似誤按前漢章賢傳萬國適平注古文攸字又五行志彝倫適敘地理志鄧水適同並與攸同錄甲鼓原本篆文如是馮氏从之作越是也今重排本篆文作雥惟越字甲鼓原篆極明晰可證說文引詩曰謂地蓋厚不敢不越今小雅作踏毛傳曰累足也蓋越隨古字通

即鹿又翫說文奔搏也又與古文翫也鮮盤鄭作菹讀與姐同周官時百同異胡鄭施俱作豆潘作股乞及是申如天之高潘作嘉朱蘇石鼓考據秀執作執與藝同今從章員乍儻表顏注微連繞也潘云未詳厲鄭作潘云未詳即以寫樂

右九八句凡三十字重文二十

臣謹案真丁鼓本義真如者猶軫軫然也有乘載之義真軫義通今重排本既從鄭作填劉氏嘗釋填如爲闌如亦通闌與王鼓篆文原本習迥然

不同張燕昌石鼓文釋存謂石本是嘉字諸家釋作喜非僂石鼓文定本作僂僂即減于逼切說文減疾流也或字从一者地也从土亦地也从彳从水通江賦云側減瀼瀼是其義也庸字篆法與召伯虎敦及甝季子白盤略同金石諸家作巖从由似譌

法驥既射避馬韻文止用賢孔度康王厚之作蕭諸家皆敕說文飛也書益嗣敕文治字古孝經作軋古老子作軋帥設田車既安日佳丙申用各爲章書詩萬單不永靈同見

右十一八句凡三十字重文一十

臣謹案韻古載字詩曰春日載陽箋云載之爲則也又承也事也害王鼓作害本義薛氏作周今重排本从詩葛覃篇亦斷章取義耳

五十六年 諭自漢唐宋以來皆有石經之刻所以考定聖賢經傳使文字異同歸於一是嘉惠藝林昭垂奕禩甚盛典也但歷年久遠率多殘缺即閒有片石流傳如開成紹興年間所刊今尙存貯西安杭州等府學者亦均非全經完本我朝文治光昌崇儒重道朕臨御五十餘年稽古表章孜孜不倦前曾命所司創建辟雍以光文教並重排石鼓文書諸貞珉而十三經雖有武英殿刊本未經勒石因思從前蔣衡所進手書十三經會命內廷翰林詳覈舛譌藏弄懋勤殿有年允宜刊之石版列於太學用垂永久着派和坤王杰爲總裁董誥劉塘金簡彭元瑞爲副總裁並派金士松沈初阮元瑚圖禮那彥成隨同校勘但卷帙繁多恐尙不敷辦理着總裁等再行遴派三人以足八員之數爲校勘諸臣等其悉心研辨務臻完善以副朕尊經崇文之至意欽此遵於 辟雍殿左右恭立 欽定十三經石刻碑共一百九十通於彝倫堂內左右恭列 御製石刻蔣衡書十三經序

文曰前歲集石鼓文而爲之序有曰凡舉大事者必有其會與其時而總賴昭明 天既以成其功信弗爽也石鼓不過周宣王之事列於 文廟之門以寓興文尙俟其時其會若夫十三經則古聖先賢出諸口以傳道授教其重於石鼓文奚啻倍蓰哉則今之石刻十三經是矣蓋此經爲蔣衡手書獻於乾隆庚

申者其開不無少舛謬爰命內翰詳覈以束之懋勤殿之高閣至於今五十有餘年亦既忘之矣昨歲命續集石渠寶笈之書司事者以此經請乃凜然而悟曰有是哉是豈可與尋常墨蹟相提並論以為幾暇遺玩之具哉是宜刊之石版列於辟雍以為千秋萬世崇文重道之規夫經者常也道也常故不變道則恆存天不變道亦不變仲舒之言實已涉其藩矣蓋石經之防自炎劉一字曹魏三字石經之刻所以考定聖賢經傳中文字同異歸於一是使天下萬世學

講論之後以承師承守蓋考甲乙等科正其高下則石經之言一有誤謬則其書亦必致有訛誤矣漢世經學之盛蓋由於此也夫經者聖人之教也教者所以化民也民之於教猶水之於魚也水涸則魚亡教廢則民散故君子必先慎乎道而後慎乎教也

矣詎不可考李唐北宋雖曾有刻或乖或不全唐太宗七年創立石經於國子監講經館至宋時又刻於開元二年告成其地舊在務本坊自天祐中韓建唐書新成而經石至宋時又刻於開元二年告成其地舊在務本坊自天祐中韓建唐書新成而經

按舊文集經字別刻小字立於碑旁以便摹補今在西安府學劉知幾唐書未為善本劉向之言未詳也其後孟獨時亦刻石經北宋刻兩碑今片石折紹興九年刊石六經論和縣學子宋延佐復刻之杭州府學今亦刻兩碑

歷代為加詳矣進德後改名經學正其經學於今之石經唐書為不倫特命大書士懋勤殿翰林校勘予自六齡入學堂讀易書詩三經所為易簡而天下之理得二典三謨為王道始正變風雅不知無以言及長而涉獵

三禮覺與三經為有閒易書詩謂枕蓆麟經慎正統偏安之必公春秋大一統

於天命人心之公予讀之有年心契聖人筆削之旨纂定通鑑輯覽一書註後

得孜孜饜餮盡弗衰雖自愧學之未成迺今刻諸石列諸辟雍應時舉事以

繼往聖開來世為承學士之標準豈非厚幸也歟蔣衡一生苦學之勤亦因是

酬矣若夫歷代注疏入主出奴紛如聚訟既冗且繁衡祇書諸經正文餘概從刪是也或以為不觀注疏何以解經予則以為以注疏解經不若以經解經之

為愈也學者潛心會理因文見道以六經參互之必有以探其源而晰其奧者是在勤與明而已且予重刻木版之十三經注疏頒布世閒者不少也舉辟雍以五十年勒石經又越六載凡所以待其時而逢其會八十老人復得成斯大功者何莫非賴 昊天之鴻貺乎昔著知過論以為其不可已者仍酌行之斯之謂矣蓋凡物有其成必有其壞所謂石鼓石經者皆是也然向不云乎經者常也道也 天不變道亦不變依聖人之門牆示萬世之楷則孰謂滄桑幻化

能移我 夫子不朽之道也是為序 又奏准俊秀貢監錄科改歸貢院於七月二十日以前取齊即於二十三日考試奏請 欽派大臣御史點名入闈由 欽派大臣閱卷錄取交國子監衙門照數送場

六十年 諭本年為朕臨御六十年二月上丁親詣 文廟釋奠禮成閱視辟雍新刊石經瞻仰宮牆彌深景慕自維沖齡肄學服膺 聖教迄今八表開五

猶日孜孜誨學無倦舉凡行政念典悉皆得自心傳今晨臨雍展敬肅躬親風日喧和典禮咸備當茲邇運增隆慶臻耆壽莫非仰邀 錫貺允宜施恩費序加惠士林以光盛典所有各省入學名數著交部查例分別廣額其太學肄業諸生並著加恩免其坐監一月用示重道崇儒壽世作人至意

嘉慶二年奏准八旗及大興宛平兩縣肄業貢監生距家既近勢不能在學舍居住概不准補內班 又向例肄業生入監肄業司業專司考到總理監事大臣滿漢祭酒專司考驗嗣後擬照乾隆五十三年奏准鄉試考到錄科令管理監事大臣祭酒司業公同校閱之例不分考到考驗名目

又天文生由各生監充補者歸國子監錄科由順天生員充補者歸順天學政錄科 又本監官員子弟錄科該員具呈並取同鄉官識認保結 三年奏准本年恭遇 臨雍觀禮後裔內有俊秀一人比照陪祀例一體准作監生

六年 諭向來俊秀監生鄉試錄科係由國子監考試錄送因吳省欽條奏改爲欽派大臣在貢院局試嗣又有御史奏請復舊例者經禮部議駁未行此時貢院正值興修未能在彼錄科此次俊秀監生仍由國子監考試不必欽派大臣以後或應照舊例或仍在貢院錄科之處並著軍機大臣會同禮部一併議奏遵 旨議定俊秀貢監仍令國子監照舊辦理惟於錄科之後即將俊秀貢監原卷封送禮部嚴密貯庫俟揭曉後磨勘之日凡有俊秀貢監中式者均查出錄科原卷夾於中式試卷之中覈其筆迹文理有迥不相符者舉出究辦

八年 諭前因彭元瑞奏太學石經見在所刊碑文與 御纂 欽定本閒有異同請詳加察覈特簡派大臣悉心檢校茲據董誥等奏將石經全部公同詳細校勘除會奉 特旨改刊各條外實無違背更改之處並開列清單進呈因思石經爲同文盛舉從前彭元瑞撰進之考文提要亦係援引武英殿唐宋石經及天祿琳瑯宋槧各書作爲證據見在太學石經早已刊布通行毋庸改易其石經內有遺漏筆畫及鐫刻草率各條著交御書處查照修整以臻完善

九年 諭管國子監事大學士劉墉祭酒潤祥顧德慶等我國家 列聖重光以典學親師爲首務羣士霑濡化雨泱醴淪肌朕紹承 大烈三年即舉臨雍之典八年於茲兢兢業業不敢斯夕愆忘今仰荷 洪慈武功歲事文教宜修首善之地尤加意焉夫學以明倫爲本士以喻義爲先倫不修而以文賞飾義不明而以利計私何以爲士子之倡乎學校之科條非不燦然顧或於倫物不躬行則三德六行皆空華矣或於利義不明辨則服古入官皆市道矣爾監臣可不孜孜以是道其國子爾多士可不汲汲以是臻於高明毋以爲迂闊而遠於事情毋以爲陳言而不求切己朕所厚望於臣工庶士滌濯其心誠勤無懈以培植賢才爲國楨幹焉

又奏准湖廣之苗搖廣東之黎峒廣西之土官土目子弟雲南威遠之彝人四川之番民羌民等向俱准應童試如願捐監准其一體報捐
十七年 議准黔省每逢拔貢之年准其一體舉優惟舉報優生升入太學者例當考試經藝兼須確訪實行由該學政覈實辦理毋得濫舉充數

十八年 覆准土司既經承襲即係職官不得再捐監生
又由民壯改充縣役所管督解遞犯承差詞訟與卓快名異實同其子孫不准捐納監生

又順天向未舉報優生與各省未能畫一應由學政行知各學酌量保題如不得其人任缺毋濫至八旗生員人文蔚起優貢應一體舉行如有文行兼優之士准其另舉優生一名如無人可舉仍不得濫竽充數

十九年 諭禮部奏議駁御史黃中傑條陳優貢考試一摺各省優生三年舉報一次與拔貢十二年舉行者年數懸殊如一體廷試錄用實於體制未協該御史所奏不可行至該部稱嗣後優貢免其來京朝考以示體恤所議亦非各省優生由學政會同督撫保題升入太學朝考後始准作貢斯合貢於王廷之義若停止朝考名實不符禮部堂官輕改舊章著傳旨申飭優貢朝考仍照舊例行

二十二年 覆准附生告頂後准其報捐貢生不得應試
二十三年 覆准農民承充號房並非隸卒改充委無別項身家不清之處准其報捐監生

道光三年 諭祭酒等曰成均首善之地風勵天下實始於茲咨爾監臣式茲多士尙其端乃教術正乃典型無卽於華無鄰於固入孝出弟擇友親師庶幾成風紹庠 聖緒惟爾監臣無曠厥職

又奏准歲貢到監肄業八旗取本旗文直省取本籍文並准取具同鄉六品以上京官印結以歸畫一

是年 上臨雍講學大學士長齡曹振鏞進講大學欲修其身者先正其心欲正其心者先誠其意 上宣御論曰聖人垂訓後世齊家治國平天下胥本於一身身也者顯揚垂裕表率之則也有明德新民之責者豈可忽哉夫修身有道不事外求心爲身之主宰意乃心之發端其理本屬於一貫其次第則有不可紊者人君以一身承堯舜禹湯之緒下慰億兆烝黎之望萬幾至蹟一心應之無偏無倚始足以昭感化然志壹則動氣氣壹則動志此皆意未能誠耳

意既未誠欲心之正難欲身之修尤難必也敬以直內虛以應物去私克己復見天心無一息或懈無一念或弛持之以謹慎養之以和平純一不己渣滓不留意與心無二致而後綏猷建極措正施行正朝廷以正百官正百官以正萬民未嘗以修身示天下而吾身之修即莫不共揭於天下所謂形端表正動罔不宜將見上行下效咸有一德治理蒸蒸日上由是推而至於致知格物而大學之功全矣

九年以平定回疆告成太學 上親製碑文勒石大成門外曰征而滅之謂之勦生而致之謂之擒命將出師聲罪致討此可必得之數也戟手張拳生彙駢繫此不可必得之數也矧既已遁逃而猶望其自投羅網尤難之難矣乃失之而復得之且生得之此豈人力哉天也逆回張格爾者為薩木薩克之子自稱係和卓木後裔嘉慶二十五年冲巴噶什愛曼布噶特比蘇蘭奇與張格爾糾煽回衆殺傷卡倫官兵欲圍喀什噶爾經官兵擊敗張逆等竄逸道光四年張逆復糾合同衆晝夜搶卡官兵殲獲助逆賊目張逆復遁五年差人詐降句結四百餘人為亂因奈曼部落不從仍復竄赴薩雅克部落句結汰劣克等同來喀什噶爾滋事巴彥巴圖帶兵出卡遇賊接仗中鎗自刎朕諭慶祥往喀什噶爾督同永芹辦理勦捕事宜旋因永芹病歿以慶祥為喀什噶爾參贊大臣六年六月張逆率安集延布噶特五百餘人夜由開齊山路突至阿爾圖什回莊衆回從逆者多分投搶城臺路斷絕所調援兵路梗未能猝赴英吉沙爾葉爾羌和闐既分兵應援存城兵少賊勢猖獗各城紛紛告急烏什阿克蘇二城亦俱戒嚴朕遂授長齡為揚威將軍楊遇春武隆阿為參贊大臣先後調派吉林黑龍江官兵三千名各路官兵三萬二千餘名又簡派巴圖魯侍衛章京等馳往帶兵進剿隨頒發硃諭十條指授機宜而賊匪擾至阿克蘇渾巴什河南岸屯聚伺隙躡渡經長清達凌阿巴哈布等督兵晝夜嚴防兩路夾攻殺賊甚夥賊首奔竄追斃之楊芳搜剿阿爾坪從逆賊匪殲戮殆盡七年長齡等於二月初六日統大兵進剿二十三日至洋阿爾巴特甫經接仗賊勢披靡布噶特俱奔竄二十五日進至沙布都爾莊鏖戰擒賊匪數萬二十八日進至阿瓦巴

特回莊三次續獲勝仗三月初一日克復喀什噶爾張逆先已乘間竄逸長齡留喀什噶爾楊遇春等帶兵進剿英吉沙爾葉爾羌以次收復楊芳分勦和闐亦克復其城朕以四城雖定逆首未除諭長齡派兵各要隘安營務確探張逆蹤迹期於必獲五月長齡奏張逆在木吉地方潛匿飭安福等出卡追捕添調楊芳督辦張逆復竄拉克沙地方檄令喀拉提錦部落助擒朕諭楊遇春來京入覲楊芳授為參贊大臣長齡奏請仍留喀什噶爾朕允其所請並諭以張逆勢雖窮蹙難保其不復來窺伺該將軍等當嚴加防範設法勦擒張逆果於十二月二十七日潛由開齊山路入卡長齡楊芳分統將領連夜勦捕追及於喀爾鐵蓋山兩路並勦衆賊逃竄張逆僅賸賊黨十餘人情急將自絕頸總兵胡超等奪刀生擒之餘賊殲戮無遺隨將張逆解大營檻送闕下獻俘長齡等紅旗報捷閱二十日遞至京師爰錫封長齡為威勇公楊芳為果勇侯其餘將士升賞有差朕思回疆自 皇祖高宗純皇帝平定以來休養生息六十餘年彼回衆踐食土毛無不感承 聖化乃張格爾以逆裔遺孽招集沙蟲之族潛行梟獍之謀朕何敢不道揚 先烈勉迪 前光是役也擒渠於萬里而遙奏績於一年以來儻脅從之衆一鼓皆殲而煽惑之魁隻身遠遁事未稱爲盡善功猶墮於垂成且逆首或畏罪自戕或拒追被戮雖伸國法未快人心是既得而猶未得也今則飛蛾赴火自蹈危機臨陣生擒束手就縛與檄諭外夷設計縛獻者厥功尤偉然此豈人力所能爲哉罪人斯得 天奪其魄也我武惟揚天之所助順也禮曰執有罪告成於學故據事書之繫以銘曰惟我 皇祖拓土開疆大小和卓自取滅亡背恩反噬敢肆鴟張爰赦將帥翦彼披猖二酋授首獻馘廟堂懾 威懷 德綏靖遐荒濟惡作奸薩木薩克遂匿深藏苟延喘息弗忍加誅投畀有北逞其詭謀爲鬼爲蜮助虐者誰狼心叵測曰安集延曰布噶特根株弗斷滋蔓難圖蠢張格爾甘自速辜巧營三窟雄長一隅窺邊越卡常苦覬覦有時擊敗窮若囚拘乘閒而遁終爲逃遁煽亂游魂稽誅遺孽搶占城垣棄離巢穴虺毒豺凶蜂屯蟻結竟抗顏行羣效據竊前圍後攻左牽右掣燎之方揚如火烈烈恭行 天討詰爾戎兵卜其吉命將邁征三戰三捷

克復四城以少勝衆助軍聲狡哉鼠竄惜死偷生神人共憤星帚機槍窮猿投林枯魚泣釜迹莫偵孰襲而虜自夏徂冬以防爲堵彼若不來我焉能取惟天不容倖羅網畧故智復萌餘勇欲賈霜鋒雪甲桓桓我師賊棄馬走高山屢揮弓電閃激矢風追逆渠生縛援戈而麾自我勦之自我擒之堂堂正正盪定西陲將軍長齡首功懋賞參贊楊芳壯猷優獎爾公爾侯用襄忠讜大小臣王恩波浩蕩押獻戎俘又安邊壞紫閣銘勳凌煙畫像凱歌除夕慶洽元辰萬方途喜九寓同春肇應靈序允惠黎民如天之福如天之仁告功太學勒碑成均嚴恭寅畏 天命懍遵

又覆准江蘇海關扞丈手並不由他項拔升與安徽蕪湖關操練總由巡役拔補者有閒亦不承票拘犯行杖准其一體報捐嗣後扞丈手須身家清白方准投充如由他役拔補者仍不得援以爲例

二十三年議准廩增附青衣生等有願棄文就武者准其報捐武監生執照內註明應武鄉試不准再應文闈以杜文武跨考之弊

咸豐四年覆准生員緣事斥革案擬笞杖以下情節較輕准其捐監另捐官職若罪已擬徒不准加倍報捐

九年 諭此次考試國子監滿州助教各試卷或文理紕謬或清漢字畫未能端楷經肅順等校閱實無合式堪以錄取之卷著吏部另行咨取合例人員奏請派員考試此次考試人員不准與考

同治元年 諭太學爲自古培植人才之地我朝振興庠序加意教育 世宗憲皇帝賞給庫銀增輯饗舍首善之區四方觀瞻所繫必得如唐之韓愈宋之胡瑗躬行實踐講明正學以爲表率人材自能蒸蒸日上乃近來國子監專以文藝課士該祭酒等既以是爲去取而士子亦復以是爲工拙於造就人材之道何裨焉著嗣後於應課詩文外兼課策論以經史性理諸書命題用規實學並著該祭酒等督飭各堂助教學正學錄分日講說獎勵精勤懲戒游惰黜華崇實以端趨向其有留心事務通知古今者亦當隨時獎拔以勸多士該堂官爲諸生師長尤當自飭廉隅俾矜矜式

二年 諭御史劉毓楠奏請整頓各學教習等語據稱滿漢各學設立教習統於國子監見充教習者傳補後並無生徒肄業期滿僅尋數人赴監謂之交功課其實並無功課可交即可得官各等語著國子監堂官查明認真整頓稽覈功課之勤惰分別勸懲毋得有無實敷衍了事以昭覈實

又 諭官文奏湖南優貢懇照中省定額一摺湖南近年人才蔚起講求實學即如各路軍營以諸生而委身戎馬建立勳勞膺封疆將帥之任者不一而足庠序之中經明行修踐履克敦者諒更不乏其人加恩著照所請選舉優貢准與湖北一律照中省四名定額舉行以同治三年甲子科爲始由該學政會同該督撫覈實辦理見當破格求才之際各省於優貢一途均當痛除向來虛冒積習訪舉潛修積學之士廣其登進爲國得人以副殷望

四年奏准考試優生定例頭場試四書文二篇二場經解一篇策一道五言八韻詩一首由學政會同督撫覆試驗看覆試照拔貢例試四書經文策各一篇

所有頭二場並覆試各卷解部磨勘並於卷面分註字樣以免參差

五年奏准歲貢一途非積數年之資不能揆出今捐輸准作歲貢則挾資二百餘兩即與皓首窮經之士同列成均於勸學作人之道均屬未宜且於考試教習後准其補捐歲貢作爲正途尤易取巧見當增修捐例應將火器營章程內廩增附報捐歲貢三條刪去停止報捐

六年議准貢生旗扁銀兩惟恩歲兩貢照例分給拔副優三項例內雖無明文惟均係正途自應援例聽其自行豎立至捐貢雖列成均與臨場取中有閒應示區別除從前已經自置免其拆毀外嗣後不准與五貢自置旗扁

十年議准國子監算學生考取恩監生在監當差不克回籍者取具同鄉京官印結呈請禮部知原籍查照

光緒二年覆准陝甘二省優貢向照中省考取四名見在分省考試應將原額畫分該學政各照小省例考取陝西甘肅均不得過一二名不得其人任缺毋濫

七年奏准優生朝考統限次年五月內赴京驗到其呈報患病等項及後期續

到各生隨時由部會同國子監堂官奏請補考實因丁憂方准與下屆新生同應朝考。

又拔貢補考向由禮部國子監會同考試文理明通者准作貢生入監肄業荒謬者斥革疵累者發回原學嗣後在部補考選拔生與優生補考者均遵此例九年奏准定例年老諸生有由俊秀捐監者查明報捐在十科以前曾經鄉試者如三場完竣照生員例一體 恩施應試錄科即照年老生員例用廩生公同具保呈州縣官驗照覈其年貌相符加具查無頂替印結送考國子監及學政始准收考如有情弊一經發覺分別治罪至文武互試之例久經停止由武生捐監者止准應文闈其捐納武監生概不准應文鄉試

十一年 令各直省舉人一體入監肄業即於貢監生額內通融錄補從國子監祭酒王先謙之請也

謹案明史選舉志入國學者通謂之監生有貢監廩監例監舉監監監即舉人也洪武初擇年少舉人趙惟一等入學永樂中舉人會試下第錄其優者俾入學以俟後科遂為定制 國朝惟貢監得入國學舉人從無入監肄業者茲得疏請通融益足廣裁成而資鼓勵矣

二十六年陝西總督陶模奏京師為首善之地太學為育才之所教法未修何由得士臣以為宜敕督撫學政選擇舉貢之敦行力學者及大臣子弟蒙 恩廕者入監肄業略倣周官師氏保氏之法宋儒程朱學校之制胡瑗經義治事之規治經務通大義治事必達時務祭酒司業當擇學行兼優眾所推服者久於其任教以致君澤民之道修己治人之方擇學業有成者上其名於 朝凡部院需人督撫請揀皆於是選取之成效既著復取堪為人師者令分教於天下庶學宮不為虛設士子皆有實行治化之基實在於此至納粟入監保明景泰開稅政沿至今日流弊實多所有捐納貢監生舊例擬請一律停止三十一年國子監奏擬南學堂辦法略稱南學堂添設科學並開辦滿蒙文學堂均奉 旨允准在案見奉 明詔停止科舉及歲科各項考試自應一律按照學堂章程辦理查定章所載開高等學堂一時無合格畢業生可酌選品行

端謹學有根柢者補習普通一年然後入學 監南學肄業舉貢監生在學有年經史文學素所肆習自陸續添設科學以來已逾半載以視補習普通學科日亦多相合今擬將諸生年學合格者令補習普通一年考試合格即升為高等學堂擬名曰成均高等學堂謹粗擬辦法條晰陳之一曰專學業南學內外班肄業生奏定一百八十名兩次添設三十名科學既設又添設附學生三十名南學各生自添科學均照學堂講授今停止科舉擬將舊章一律變通庶使共求實學以裨有用二曰訂科目高等學堂分類分年科目係普通畢業後遵章辦理一歷史二地理三算學四格致五圖畫六策論七英語八體操除中學外其各項科目與南學續添各科學均尚符合以之補習普通極為捷便三曰定房舍查定章凡高等學堂至少以能容二百人以上以期人才多聚等語南學房舍除新改講堂及新建講堂各一座並各項執事應用房舍外其諸生宿舍以每房三人計之足敷二百以上人數惟自修室與宿舍有別當擇各院正廳舍作公共自修室應俟普通畢業升高等之時再為詳查改設四曰擇教員經史文學即派 監官員講授算學一門早設專官其餘各科目見用之教習查其所學均足備高等教習之選惟按奏章高等學科較普通為多需用教習較眾自應添聘於未升高等以前早為儲備以期臨時不誤五曰派執事南學原設有正副管學官提調官皆兼理衙署學務其未盡事宜仍應責成辦理外擬按高等學堂章程擇 監文學優長通曉學務之員酌派再不敷用當設副員以佐之六曰別名額查補習普通升入高等之例只能行之五年限內嗣後中學堂畢業即可升入高等 監所設高等學堂即以二百名為率約計補習普通畢業之時即各中學堂已將畢業擬按照程度由 監招足額數分別入堂七曰慎考獎各省高等學堂學生畢業由督撫學政會同主考考試給予出身官階並由學務處覆試 監高等畢業除由監給予文憑外應如何會同考試給獎之處均俟議奏奉 旨後遵辦八曰備器用南學自添設科學以來所有器具均已照學堂應用各物添置改造暫可敷用惟儀器標本各事俟改設高等學堂即行添置九曰教育肄業舉貢監生其年學合格者令補習普通考

入高等學堂其年齒稍長中學淹通之合格者擬附設一速成師範學堂即簡易科查定章簡易科目一修身二教育三中國文學四歷史五地理六算學七格致八圖畫九體操除中學外其餘科目皆與補習普通科目相合且屬有增無減雖深淺精粗稍有不同以普通科之教習兼爲講授均可勝任一年期滿給予文憑而速成師範畢業出學以後即補習普通亦將畢業之時此後便可專辦高等學堂倘補習普通尚有不合格者臨時查看情形再行分別辦理十日籌用款目南學內外班肄業生及執事官員一切津貼膏火獎賞雜費每年領有 恩賞銀八千四百兩今既改立學堂除八千四百兩擬仍請 恩賞作爲的款外其餘不敷尙鉅擬由 臣監照費飯食銀兩項下撥款作開辦及常年經費惟此項入無定額當先儘學堂辦理近來停止監生捐納實官恐此後捐監日少費亦隨之自當設法籌措總期事不中廢款不虛糜至新設滿蒙之學堂見已考錄二百四十名就滿蒙漢三項文字命題分別等第聽候傳到入學講堂齋舍器具刻已興工建置其詳細章程俟 臣等酌定再行具奏

三十二年學部奏略稱國子監南學見改師範學堂其舊日肄業各生有已滿三年因年齒加長不宜再入學堂者尙多留滯京師無力歸里查該生等就學成均窮年研習不無可取若聽其終身棄置未免向隅伏查本年政務處奏定酌予生員出路章程凡年長不能入堂者於考優貢之年令地方官保送由督撫考取咨送吏部分別授以巡檢典史等官所以體恤寒畯用意甚厚今南學肄業年長各生與年長生員事同一律似可同邀 曠典又查吏部考職舊例貢監皆准與考南學肄業各生多係貢監亦與考職定章相符惟該生等去籍遠近不同未便咨回本籍應考擬請援生員由督撫考職新章略加變通凡南學舊班肄業生已經三年期滿者其貢監擬由 臣部督同國子丞嚴加考試核其文理暢達即咨送吏部分別貢監授以州吏目典史等官舉人則不拘科分年限由 臣部咨送吏部概予截取少示優異至五貢廩貢當仍照舊例咨送吏部以復設教諭訓導選用舉人五貢廩貢本係正途均請免其考試其肄業未滿三年者仍不准與考咨部庶於體恤之中少寓裁制之意

皇朝續文獻通考卷九十七

學校考四 直省鄉黨之學

臣謹案古者家有塾黨有序國有學其所稱爲士者出則負耒入則橫經莫不雅歌投壺以詠先王之風吁何其盛也 國朝三載賓興天子命學臣以時按郡而甄錄之復爲之慎選儒官以資表率茂矣美矣迨其既也師與生終歲不相見惟入學時之修脯則斷斷焉士風何由不振乎此法東西洋廣設小學施國民教育之說所由興也學堂另列專門茲祇遵 皇朝通考事例著於篇

乾隆五十二年 諭吏部奏福建省甄別教職覈之額缺數目不及百之二三請將該督撫學政照例議處但念該督撫均有承辦兵差及料理軍餉等事此次無暇甄別教職未能照例覈辦尙屬有因李侍堯徐嗣曾著從寬免其交部至該處學政陸錫熊考覈教職是其專責軍務又非其承辦乃甄別不及百之二三咎實難辭陸錫熊著交部議處

五十四年 諭翁方綱奏江西士子有臨場習用新出小本講章又坊間亦有編輯經書擬題及套語策略等類於臨場時刊刻發賣見出示嚴行禁止併於建昌一帶刊書之處遍爲飭禁等語講章策略等項竟有刊刻小本不特士子臨場閱看既得弋獲捷徑且易於懷挾尤不可不防其弊翁方綱嚴行飭禁所辦至是江西既有此項小本發賣恐各省亦不免仿照刊刻流傳轉售著各督撫學政一體出示禁止其已經刻印者令其繳出銷燬所有京城坊肆等處並著順天府尹等一併留心查禁以杜僥倖

五十七年 諭五經爲聖賢垂教之書士子有志進取竟有未讀全經者可見士習之荒疏卑靡著通諭各督撫及學政等務須實心查察嚴行禁止俾士各通經文風振作其應如何立法查禁以端士習之處著軍機大臣會同禮部妥議具奏遵 旨議定行令各督撫學政轉飭所屬將坊間所存刪節經書版片限三月內押令盡數呈繳銷燬如逾限不交一經查出照違 制律治罪其未能詳查之地方官及各督撫學政均照例分別議處併飭出示曉諭各屬士子

如有前曾購買此等刪節經書者亦令其作速自行銷燬

五十八年 諭前因各省士子有肆習坊間刪本經書降旨令各督撫嚴行查禁解京銷燬節據該督撫等陸續查繳但恐日久懈弛不可不再申厲禁以端士習而崇實學夫經籍自孔子刪定豈容後人妄爲芟節皆由不通士子或落第之人不能通經致用遂以弋名之心轉而弋利往往於經書內避去諱用語句任意刪減或標寫擬題以爲庸陋士子場屋揣摩之具而坊間卽爲刊刻傳播彼此沾潤此等貪鄙之見不特非讀書上進者所爲亦且有玷士林自慚名教各督撫當飭屬留心查辦使若輩知所儆懼自不敢復蹈故轍而坊間既無此種書本亦無從刊布漁利况六經爲聖賢垂教之書字字俱有精義乃竟臆爲揀擇作此刪本經書而躁進之士又欲於糟粕之中另標捷徑不但失前聖立言之意於士風亦大有關係想自用制藝取士以來或卽有此項刪本經書亦非起於今日然不清其源安能令其流之不滋甚耶該督撫若以此次查繳之後卽視爲具文弛其禁令則牟利書坊又復漸行出售輾轉流傳終難盡絕嗣後仍著各督撫嚴飭所屬認真查禁並將繳過刪本經書數目及有無傳習之處三年彙奏一次俾士各通經文風丕振以副朕敦崇經學整飭士風至意六十年奏准乾隆十六年後恭遇 巡幸增廣學額大學加取五名中學四名小學三名盛京等處向取進六名以上者增額三名四五名者增二名二三名者增一名歷經辦理在案隨飭知各該學政並奉天府丞一體遵辦

嘉慶元年 恩詔各省入學額數大學加七名中學加五名小學加三名四年 高宗升配禮成奉 恩詔大學加七名中學五名小學三名舉行一次不著爲例

又覆准軍營效力 賞給預戴職銜之生員原係出力有功之人其有志上進願應歲科試者仍准其補廩出貢其不願應試甘以頂戴榮身者免其歲試於學冊內自列一款報部

五年 諭國家設立州縣原責以收養斯民勤勉吏治若出境迎送上司不特有曠職守而夤緣奔走之弊卽從此起豈設官分職之意耶至生員躬躬膠庠

乃遇大員過境亦有教官率迎道左之習更屬無謂即朕於巡蹕所經止令地方官於二三十里內前來瞻覲若途遠即不令前來前往熱河時因經過文廟有生員在道旁跪迎他處從無此事今聞那彥成奉命往陝沿途地方官多遠來接候實屬外省惡習著通諭各省凡有守土之責者遇上司欽差所過地方非有公事傳詢不得輕離職任至教官為訓迪之司尤不應率領生員道旁迎送俱著一體嚴禁倘經此次諭禁之後仍蹈從前陋習一經覺察或被入糾參必當嚴究

八年 諭湖北學政茹芬因蒲圻縣劣衿熊士鼇抗糧縱兇滋事自請議處一摺各省設立學政原欲其化導士子訓俗型方非徒以校閱藝文遂稱盡職蓋士為四民之首學政於平日誠能盡心訓迪令士子循循然動遵法度而士子等又各於鄉黨中互相勸諭俾人人知尊君親上之義則奸宄潛消善良蔚起士習端而民風厚所謂經正則庶民興庶民興斯無邪慝也今熊士鼇身列膠庠敢於抗糧縱兇釀成龔如昇等糾眾劫獄鉅案此等劣衿自由平時失於教導所致茹芬到任已久咎有應得著交部議處至各省學政職司學校有教士之責與其俟該生員等有抗糧包漕唆訟武斷種種不法之事犯而後懲焉若正其趨向使之遷善遠罪而不自知總之道政齊刑末也道德齊禮本也德禮之化非平日漸摩涵育焉能蒸蒸日上變着通諭各學政務宜敦崇教化庶庠序皆循規矩罔闕得資表率

十年 諭刑部議覆鐵保等奏審擬吳江縣勒休知縣王廷瑄虧缺倉庫銀米並生監王元九等勒索漕規分別定罪一摺王廷瑄辦漕不善挪移庫項數逾二萬兩以上實屬昏庸不職着依擬應斬監候仍勒限照數追完再行分別辦理餘均着照部議完結至此案王廷瑄挪移虧缺數至累萬皆因刁生劣監等在倉吵鬧勒索陋規所致今審訊確實所有附和得規計贓較輕之吳景修等三百十四名均經部議照該督所請一併飭提責處生監皆讀書人今以一案而罪犯責處者至三百餘名之多閱之殊不愜意但該生監身列膠庠不守臥碑輒敢恃符尋釁挾制官長吵鬧漕倉強索規費此直無賴棍徒之所為豈復

尙成士類朕聞各省劣衿往往出入公門干與非分以收漕一節持地方官之短長而江蘇為尤甚各該州縣或平日與之交結遂其取求慾壑既盈即遇不肖官吏實有罔利營私等事亦復袒庇不言徒使鄉里小民暗遭腴削設稍不遂意則遇事輒生枝節每屆開征時掇交醜米藉端滋事動即以浮收漕糧列名上控其實家無擔石無非包攬交收視為利藪此等惡習大壞名教今吳江一縣分得漕規生監已有三百餘人其餘郡縣可想而知朕培養士子至優且渥原望其束身自愛鍵戶讀書並當勸化閭里愚民知所觀法方不愧四民之首乃蕩檢踰閑至於此極尙靦然廁身士林乎所有吳景修等三百十四名朕即概加以扑責亦其自取但欲養其廉恥此次姑免責處予以自新之路嗣後著鐵保汪志伊會同莫晉督飭該教官等嚴切教導隨時管束務使該生監等痛滌前非安分守法如遇收漕時該州縣果有浮收入己情事自應據實劾參倘該生監等不知悔改仍蹈故轍或此外刁紳劣衿有把持漕務詭詐陋規等事砌詞控告審屬子虛者一經查出即當奏明從嚴治罪決不寬貸不僅扑作教刑士子自不惜廉恥朕亦不能廢法博譽總之士林為風化所關待之優正以責之厚朕嘉惠士子然如此等敗類亦斷不肯稍事姑容必欲挽回積習而後已該生監等其各懷遵訓諭立品慎刑慎毋聽之藐藐自蹈罪罟致貽後悔將此通諭知之

又 諭盛京為風化所基文治漸摩彬彬絃誦朕鑾輿來臨士子等恭迎獻册應一體加恩著將盛京滿合二號及奉天所屬各學於科考廣額一次
十三年 諭畿輔為首善之區人文漸被多士蔚興茲因循覽河陰巡幸淀津觀風所莅並宜加惠士林所有直隸通省入學名數大學增五名中學四名小學三名

又覆准福建興化府學生員翁邦彥等出資捐修 文廟獲邀議敘與尋常得有職銜者不同即照軍營效力之例辦理每遇鄉試仍由該學申送入場應試十七年御史辛從益奏各省設立學官月課久不舉行有師生之名而無訓誨之實文風難整整飭所關非淺請 勅各省學政實心董率以昭風厲而崇教

化等語奉 旨着通諭各省學政各率所屬實心整頓

又覆准福建福州府生員高允卿本係文章童因軍功效力 欽賜生員卽照世

職人員改作文生例辦理

十九年 諭韓城縣登仕籍者有強克捷之忠良前大學士王杰正色立朝亦

籍隸該縣士風醇茂宜示優旌著加恩賜祭一壇將韓城縣文武學額各增五

名永著爲例

二十二年 諭御史卿祖培奏請飭各省學政講明朱子全書以端士習一摺

教化爲立政之本以正人心以厚風俗非特各省學政當講明正學以端士習

卽督撫藩臬以至道府州縣各負有治民之責皆應隨時化導俾小民遷善遠

惡力返淳風宋儒朱子全書固足以闡明經術而五經及四子書炳若日星若

在官者各能身體力行以爲編氓倡率亦何不可收世道人心之益朕前降諭

旨令牧民者惟以孝弟忠信禮義廉恥爲教民之先務直省大小官吏果能仰

體朕意實力奉行廣爲勸諭使父誡其子兄誡其弟久之漸摩成習薰德而善

良者衆日計雖不足月計則有餘也其有愚頑梗化之徒狃於邪說則明刑所

以弼教化導與懲創相輔而行使民知畏法而生懼心卽漸知慕義而生愧心

至於有恥且格則經正民興自無邪慝矣

二十四年 諭謝階樹奏生員欠考人衆請分別辦理一摺湖南欠考諸生自

三次至八次者竟有七百七十名之多積習相沿本應概行黜革姑念人數衆

多其欠考三次各生著照乾隆年間之例暫免革除欠考四次者亦加恩暫免

均勒限咨催回籍補考至欠五次至八次者俱著卽行黜革以肅學校

二十五年八月 恩詔增廣直省學額

道光元年 仁宗升配禮成增廣直省學額

又覆准江西萬載土籍額進十二名棚籍四名共十六名奉兩次 恩詔照大

學例每次廣額土籍五名棚籍二名

二年 諭御史趙柄奏慎覈改教以重學校一摺國家教化之興由於勸學各

省教職得品端學裕之員盡心化導於士習民風均有裨益近日各省甄別州

縣凡才具平庸年力就衰各員率請改教此等衰庸之員卽令司鐸安望克稱

厥職嗣後各督撫於才不勝任之知縣未經得缺將該員品學尙堪秉鐸切實

聲明酌量奏請改教其實缺人員履任在半年外者卽予休致不得因其正途

出身率請改教秉公甄別尤不得因有此旨將闕冗各員一味姑容轉致貽誤

地方也

三年 諭韓鼎晉奏學校事宜據稱閩省文武生員緣事不結之案新舊積至

一百三十餘起之多州縣等因無關處分任意延宕應令學政將每年已銷未

銷數目查明彙奏又地方官押令生員跟拘人犯往往案據未明擅押班館甚

至責子拘父責弟拘兄大乖倫理應請嚴行查禁至生員犯案必確有證據始

准詳革訊屬無干依限卽時請復其各屬府試院試士子由籍赴郡遠近不一

艱於旅費者甚多請將府院連試等語各直省士習漓漓不一其不守臥碑者

固宜嚴辦示懲而安分讀書者亦宜曲加體恤以培士氣該副都御史所奏四

條是否可行著趙慎於到任後會同新任學政沈維鐫悉心妥議如果州縣

有士子牽連控案任聽差役原告捏稟拖累及牽請斥革衣頂者查明嚴禁參

辦其府院連考並著查明各屬情形酌量辦理

又 諭禮部議覆河南學政吳慈鶴酌改管束撥府文武生員章程著照所議

嗣後各直省撥入府學文武生員除由附郭州縣撥入者仍歸府學管束外其

餘無論里數遠近卽令本州縣學嚴加管束該府學教官仍一體查察不得藉

詞推諉倘有徇縱情弊將該教官等一體查參所有附郭諸生月課仍在府學

至各州縣撥府文生距府學較近卽赴府學應課距州縣學較近卽赴州縣學

應課並著於取進時分別報明填註學册以憑督課其歲科考試幫補出貢等

項仍歸府學辦理着通諭各省學政一體遵行

四年建雙城堡義學

五年 諭朱士彥奏請禁訟戶抗糧以端士習一摺士爲四民之首自宜恪守

臥碑束身自愛况錢漕係惟正之供定例貧生交納錢糧以次年二月四日爲

率較平民展至數月待士已爲優厚豈容積年抗欠如該學政所奏浙江杭嘉

湖三府近來錢漕逋欠甚多俱係生監上控有案包漕鬧漕抗不完納地方官不能催徵加以訟戶名目與訟師訟棍無異該生等恬不為怪於士習大有關係不可不嚴行懲辦該學政甫經到任即出示曉諭甚屬認真著該撫程含章會同整頓毋許再有訟戶名目自本年為始如仍有不肖生監恃符抗欠逾限不完著即行褫革嚴辦示懲

又覆准廢生未經引見旋即入學其鄉試錄遺時照文生員兼襲世職之例辦理免其歲考

六年 諭浙江士習不端朕所夙知實心整頓怨者必多以前學政之因循姑縱不問可知矣吁世道人心日下為政者一從實整頓則怨謗沸騰朕為天下主焉可不力輓頹風昌明正學俾臣子各揚其職佐臻上理也朱士彥不合之處另降諭旨並著程含章將此硃批摺令朱士彥觀看諒伊必知感知懼知朕用人聽言之難也

九年覆准各學報劣生員本不應列一二等况廩生報劣即停廩餼其由增生附生報劣者何得復行幫補至考試定例惟五等生員不准錄遺列四等者向無不准之例該生員罰停廩餼既照四等之例其考試自應一律辦理

十五年 諭御史俞焜奏嚴覈優劣以端士習一摺從來民風之醇樸由於士習之端謹凡有教士之責者不徒課以文藝務在敦崇實行嚴為旌別以樹風聲若如該御史所奏近來各地方官於貢監生員並不隨時稽察教官舉報優行人數日增不無冒濫其有素行不端者類皆徇隱不報刁劣之徒肆無顧忌往往出入公庭句串胥吏或以他人漕糧出名包攬或以不干己事聯名訟訐逞筆舌以玩法恃衣頂為護符甚至欺壓鄉閭挾制官長犯法滋事日積愈多於風俗人心大有關係不可不嚴行甄覈著各督撫府尹學政嚴飭該地方官暨各教職務須隨時訓誡認真稽查舉優者勿徇虛名報劣者毋許姑息倘仍瞻徇隱匿致釀事端即將各該地方官及教職從嚴參辦

又 諭御史豫泰奏請整飭學校以勵人材一摺學校為培養人材之地士品克端斯民風日茂亦惟訓迪有術斯士習益清定例每於朔望敬謹宣講 聖

諭廣訓並分派教官親赴四鄉宣講俾城鄉士民共知遵守各省府州縣設立書院置田收息以資膏火並建義學以教鄉僻童蒙書院院長必須延請品端學裕之人以資教導教官季課月課分定甲乙以示激勵立法已為周密若如該御史所奏近來奉行日久視若具文教官懈於訓誨士風習於浮夸尤宜亟加整頓振起人材著直省各督撫嚴飭地方官遵照成例宣講 聖諭廣訓務須實力奉行不得日久生懈其書院房宇租田隨時妥為修理查察不得任聽傾圮及斗胥人等朦混侵蝕捐建義學以資倡率書院肄業生童必須嚴加甄別不得瞻徇情面濫行去取延請院長必擇品學兼優之士不得徇情濫薦教官考校季課月課務宜精詳舉報優劣務歸覈實民間呈報忠孝節義等事務飭隨時詳請旌表不得任聽需索規費致多延擱

十七年 諭御史巫宜禔奏振興學校一摺直省儒學書院之設所以教學造士培植人材立法極為周備若如所奏近來教官大率不能振作竟有干預地方公事劣生莠士因之效尤以致包抗錢糧起滅詞訟士風人才日益汗下尙復成何政體著直省督撫學政嚴加整頓通飭教官務當敬教勸學無負乃職其不能砥礪士節扶持名教者即行嚴參懲辦至各省書院延請院長原為激勵人材而設近日竟有薦而不到館者有甫經到館旋取脩金以去者並有不

到館而上司代取脩金轉付者殊屬有名無實著直省督撫各體察情形覈實整頓務使館無虛曠士有師承勉副朕崇重實學至意

二十八年 諭准湖南新甯縣各鄉向多庵觀地處偏僻每易藏奸飭該縣查明拆毀酌留數處改設義學延師教讀俾僻尚蚩氓蒸蒸向化

三十年 諭學校為教化之原士子訓課責在教官教官賢否責在學政近日教官一途半皆年老衰庸及末學淺見之士著各省學政嚴行考校文行兼優者方准列薦庸劣不職者即行甄別至於月課歲考尤須認真課卷按季申送學政諸生優劣學册三年咨部備查

又覆准廣西省奉 恩詔增廣學額太平土州原額四名嘉慶道光年間每遇廣額悉照小學加三名見計原額四名之東蘭州天保縣歸順州西隆州西林

縣均照舊案取進其新設凌雲縣四名之學加額二名新設奉議州三名之學加額一名

咸豐元年 諭前據徐廣緒等奏南海東莞兩縣因公項命案之嫌聲言罷考請分別停其考試已降旨飭令暫為停考查明懲辦其被累之同學察實奏明仍即許其考試該督等諒已確查辦理見尚未據續奏朕心殊深懸念此事一由書院公費之改移一由生員抗糧而自盡固緣一二人懷嫌督動亦安知非有激而然其閒附和想亦無多南海一書院中與東莞一邑生徒皆為所累若不分晰是非明白勸懲致使良莠同科轉非所以策勵士習至義倉經費始而斷入書院繼而斷還義倉何以前後兩歧東莞抗糧一案生員黎子驊何以在縣署自戕有無屈抑以致眾心不平土風刁玩固宜重懲吏治乖方亦應嚴懲著徐廣緒葉名琛體察羣情務期平允玩法者不可無所董戒被累者亦不可過事苛求即將見在辦理情形據實具奏

又浙江巡撫常大澗奏於甯波府城四門分設義學督同道府恭將 欽定四言韻文 頒發各學

又浙江學政吳鍾駿奏甯波府城諸夷雜處左道易惑見飭各學教官於鄉鎮中勸立義學以正人心

二年 宣宗升配禮成增廣直省學額

三年 諭見在大江南北援勦之兵不下二十餘萬朕不惜帑金為民除害統計所撥已及二千七百餘萬兩際茲大兵雲集需餉尤殷不能不借資民力以濟軍儲著照大學士等所請由各督撫妥為勸導無論已捐未捐省分凡紳民捐資備餉一省至十萬兩者准廣該省文武鄉試中額各一名一廳州縣捐至二千兩者准廣該處文武試學額各一名如應廣之額浮於原額即遞行推展倘捐數較多展至數次有餘准於奏請時聲明分別酌加永額

八年奏准各省捐輸軍餉前准一廳州縣捐銀一萬兩者加永遠文武學額各一名均以十名為限惟原額不及十名各學所加永額概不得浮於原額之數其原額僅止十名並不止十名各學所加定額已至十名者續有捐輸不准再

加定額

九年 諭江蘇學政孫葆元奏請責成教官提調襄理考試一摺各省設立教官原以整飭學規訓迪諸生俾各安分敦品以圖上進若如所奏江蘇生監多有不安本分包漕抗糧種種惡習教官不能稽察約束此等庸懦之員何以整頓學校嗣後各屬生監滋事教官不能認真約束即著該學政指明嚴參懲辦至學政局門考試場外弊端勢難稽查全賴提調知府彈壓巡查乃近來提調多派丞倅州縣等官充當不足以資統攝嗣後各省學政考試各屬如遇考棚在外縣之處仍由該督撫派委知府充當提調該府不准託名公事私委員代辦以重考政

十年奏准陝西省咸甯長安醴泉鄂同官涇陽藍田咸陽興平盩厔三原大荔華鳳翔鄜州十六州縣酌設回民義學九十四處舊有義學從新整理三十九處

十一年九月 恩詔增廣直省學額
同治元年 恩詔增廣直省學額

謹案各省學額有因府縣新設而定者有因改隸而分撥增減者有因文風日盛而特加者均臨時酌議 恩詔廣額向有成例祇增本年一次至咸同時軍興紳民捐輸加額乃係永廣無省度有其閒修城辦團墊辦軍需報效欠餉犒師助勦無不蒙 恩又有文武官員獨捐專加原籍學額者名數多寡不一具詳會典不復備錄茲特分省按年列表以見此十餘年中下則敵愾同仇 上則恩膏豐沛而士林尤蒙 嘉惠焉

- 奉天 咸豐三年七年九年同治七年
- 直隸 咸豐四年九年同治四年五年六年八年
- 江蘇 咸豐四年七年八年九年十年同治元年二年三年四年五年六年七年八年九年
- 安徽 咸豐四年五年六年七年九年十年同治元年二年三年四年五年六年七年八年九年

浙江 咸豐六年七年九年十年同治元年三年四年五年七年十年
 江西 咸豐四年七年九年十年十一年同治元年二年三年四年五年
 六年七年八年九年

福建 咸豐五年七年九年同治二年三年九年

河南 咸豐三年七年八年十年同治元年六年七年八年九年

山東 咸豐九年十年同治三年五年六年八年九年十年

山西 咸豐五年八年九年十一年

湖北 咸豐四年七年八年十年同治二年三年四年五年六年七年八
 年九年

湖南 咸豐三年四年六年七年八年十一年同治元年二年三年四年
 五年六年七年八年九年

陝西 咸豐四年八年十一年同治八年九年

甘肅 咸豐五年九年同治元年

四川 咸豐七年八年九年十年十一年同治元年三年四年五年六年
 七年八年九年大半按糧
津貼軍餉

廣東 咸豐四年五年七年八年十一年同治二年三年四年五年六年
 七年八年九年十年

廣西 咸豐三年同治元年五年

雲南 同治九年

貴州 同治七年

商籍附 咸豐六年浙江
山西十年浙江
江西同治五年直隸
龍興

臣謹案兩淮山東廣東向有商籍而永廣學額祇直隸浙江山西三省四

川甫於咸豐八年因鹽商輸將鉅萬議准於健為樂山兩縣合設商學定

額四名富順榮兩縣同均以二十名取進一名如應試人多不得浮於定

額倘人數不敷實有文理通達者亦取進一名歸健為富順兩教官訓課

三年後量設廩生增生各五名不給廩餼照例五年一貢云

又 諭自來儲才養士必視學校為盛衰我朝 列聖相承庠序修明敦崇實

學 皇考御極之初卽命生童就試者兼習性理等書原冀其趨向一端則學

術自正以收化民成俗之效乃近來各省教職等官並不實力奉行認真訓課

惟知索取贄禮備儀貪得無厭又其甚者往往干預地方公事並或遇事魚肉

士子詭譎紳富又安望其經明行修足為士林表率耶嗣後各省學政務當整

躬率屬督飭各教官讀書立品毋為士子所輕平時訓導諸生總以躬行實踐

為歸勿崇尚浮華勿虛應故事其稱職者准各學政會同督撫保奏給予獎勵

如闕茸充數及少年浮動不克舉職者並著隨時甄劾不必待至大計年分庶

人知自愛爭自濯磨並飭各教官分日於該處城鄉市鎮設立公所宣講 聖

諭務使愚頑感化經正民興正學昌明人才蔚起實有厚望焉

又 諭蔣琦齡奏請崇正學以端政本等語我朝崇儒重道正學昌明士子循

誦習傳咸知宗尚程朱以闡聖教惟沿習既久或徒鶩道學之虛名而於天理

民彝之實際未能研求勢且誤入歧途於風俗人心大有關繫各直省學政等

躬司牖迪凡校閱試藝固宜恪遵功令悉以程朱講義為宗尤應將性理諸書

隨時闡揚使躬列膠庠者咸知探濂洛闡閩之淵源以格致誠正為本務身體

力行務求實踐不徒以空語靈明流為偽學至鄭孔諸儒學尚考據為歷代典

章文物所宗理無偏廢惟不得矜口耳之記誦荒心身之踐履尤在職司教士

者區別後先薰陶樂育士習既端民風斯厚海宇承平奇表不作於以觀政教

之成焉

又 諭安徽學政馬恩溥奏請分別勸懲以嚴學校一摺安徽各屬久淪於賊

自上年光復安慶後疊復城池該省生監因地方為賊久踞無處逃避致被裹

脅尚非甘心從逆可比節經降旨寬宥脅從一律予以自新惟該生監等名列

膠庠陷身於賊究屬聲名有玷若不稍予薄懲無以洽輿情而平士論此項生

監卽照該學政所擬註劣外再罰停鄉試三年其舊案應幫補廩增者一併停

止仍交該學政嚴加管束三年無過始准應試其有甘心從賊或為畫策並曾

帶賊隊與官兵接仗者卽係身為叛逆罪不容誅法無可貸著該省督撫飭地

帶賊隊與官兵接仗者卽係身為叛逆罪不容誅法無可貸著該省督撫飭地

帶賊隊與官兵接仗者卽係身為叛逆罪不容誅法無可貸著該省督撫飭地

帶賊隊與官兵接仗者卽係身為叛逆罪不容誅法無可貸著該省督撫飭地

帶賊隊與官兵接仗者卽係身為叛逆罪不容誅法無可貸著該省督撫飭地

帶賊隊與官兵接仗者卽係身為叛逆罪不容誅法無可貸著該省督撫飭地

帶賊隊與官兵接仗者卽係身為叛逆罪不容誅法無可貸著該省督撫飭地

帶賊隊與官兵接仗者卽係身為叛逆罪不容誅法無可貸著該省督撫飭地